

Mary Wever:

"MONUMENTO DI 18 DI MAART TA E SYMBOLO PERMANENTE DI NOS MEMORIA PA UN GRAN ARUBIANO Y SU PUEBLO STIMA"



Mary Wever-Laclé

ORANJESTAD(AAN) -- Den su discurso na develo di "monumento 18 di Maart, Presidente di Fundacion 18 di Maart a bisa lo siguiente.

Ta pami un gran honor, pa den number di Fundacion 18 di Maart, yama Bo bon bini na e ceremonia special aki. Awe, 18 di Maart 1996, nos Dia Nacional, nos ta celebra e echo cu 20 aña pasá nos a reconoce oficialmente nos himno nacional "Aruba Dushi Tera" y nos Bandera Nacional cu awe tin reconocimiento internacional. Nos ta celebra tambe e echo cu ya pa 10 aña nos *tin* Status Aparte, e status di pais autonomo den Reino Hulandes.

Nos a escohe e dia conmemorabel aki pa rindi homenaje na e persona cu a pone e fundeshi pa e autonomia di Aruba y na e personanan cu den añanan 1947-1948, a duna sosten na un forma cla, na é, su tata Henny Eman y otro lideman Arubiano, den e prome pasonan oficial pa realisacion di e anhelo di e Pueblo pa ta "baas den su propio cas".

Fundacion 18 di Maart a worde fundá na 199, cu e meta pa conserva y fomenta conocimiento di e historia largo di Pueblo di Aruba pa realisacion di su autonomia, e Status Aparte di Aruba. Conservando e historia aki pa generacionnan cu ta bin, nos ta contribui na "formacion nacional" di nos pais hoben. Un di e projectonan di Fundacion 18 di Maart tabata e construccion di un monumento pa recorda e fecha historico aki pa Aruba. E fecha ariba cual, durante di e Conferencia di Mesa Rondo na 1948, pa promer biaha oficialmente a haci entrega di un mocion pa reconocimiento di e derecho di autodeterminacion di Aruba y di e deseo di Aruba pa obtene un "Status Aparte" den Reino. E mocion aki a worde accepta unanimamente. Cu esey e derecho pa autodeterminacion di Aruba a keda reconoci.

Un lider politico no ta un lider si e no tin sosten di su Pueblo. Shon A tabata sigurá di e sosten di su Pueblo na 1948. Hunto cu e prome 96 firmanan, mas e 2147 firmanan di personanan cu derecho di vota den e tempo ey, el a entrega na Su Mahestad LaReina Wilhelmina, e peticion pa un Aruba autonomo den Reino. Awe nos ta ta rindi homenaje na tur esnan cu a firma e peticion aki casi cincuenta aña pasá.

Cu esaki nos ta contribui na conocimiento y conservacion

di historia di Aruba. E trabao y dedicacion di e politico y estadista, y di tur esnan cu tabata tin e curashi pa cuminsa cu e lucha largo aki mas cu cincuenta aña pasá, ta keda conserva den nos historia.

Ta pami en particular un honor pa por a traha na realisacion di e monumento aki. Mi tata, Leonardo Netty Laclé, tabata un amigo personal di Shon A. Awe tanto aña despues mi tin e honor di por sirbi nos comunidad hunto cu jiu di Shon A, Henny Eman. E como gobernante y ami como Parlamentario. E ta un sentimiento grandi pa nos tur, di por continua of realisa un trabao importante di Bo majorman. E sentimiento aki ami tabata tin aña pasa na momento di scrapmento di e fecha di independencia for di

Statuut. Cu esaki Aruba a mantene su Status Aparte den Reino. E meta cu nos majorman ya a fiha tanto aña pasá. E sentimiento grandi y fuerte ey mi tin awe atrobe, cu nos ta rindi homenaje na e gran causa di nan bida.

Fundacion 18 di Maart ta masha contento cu e lugar cu nos a logra haya pa e monumento. E ta cerca di e estatua di Henny Eman, cu kende Shon A tabata tin un relacion special di tata-jiu y politico. Tur dos tabata tin un admiracion y stimacion grandi pa Su Mahestad LaReina Wilhelmina, kende su estatua ta pará enfrente di e monumento aki. Alavez e monumento ta pará meimei di e waf y aeropuerto, cu e dos lideman aki a considera e tempo ey caba como esencial pa e adelanto economico y autonomia


di Aruba.

"Monumento 18 di Maart" a bira un bunita lugar pa bishita pa grandi y chikito. Nos ta gradeci Heleen Levano, Eric Claus y Ciriaco Erasmus masha hopi pa esaki. "Monumento 18 di Maart" ta mas cu tur, e simbolo permanente di nos memoria di un Gran Politico y su Pueblo, cu a traha na un forma ehemplar pa realisacion di e ideal di tur ser humano y di tur Pueblo, pa ta "doño di su propio destino".

Finalmente nos kier gradeci e compania ALBO, Kortlever Agrícola y nan trahadorman y tur otro cu di un forma of otro a contribui na e realisacion di e monumento aki.

Masha danki.

MUCHA CHIQUITO BLO SUNU TA PARA TA PISHI NA AEROPUERTO



ORANJESTAD(AAN): Si man pasa, fotografo di DIARIO a capta riba foto un mucha cu tabata para pishi dilanti Aeropuerto y riba dje e criatura tabata sunu.

Solamente zapato e mucha aki tabata tin bisti manera cu lectorman mes por mira riba e


foto.

Tipo di actuacionnan asina ta bin ora cu mayorman ta duna muchanan mal ehempel pasobra e criatura aki mes no por yuda si su mayorman mes ta lage cana rond sin paña bisti.

Guardianan cu ta cana riba tereno di aeropuerto y dilanti di Aeropuerto no tabata presente na momento cu e mucha tabata para pishi riba caya, pasobra ta mesora nan lo a scual e mayorman di e criatura aki.

BRENCHIE'S
HOME • CENTER • ANNEX

Vertical Blinds



PA VERTICAL BLINDS DI CALIDAD NA BO MIDI
Y INSTALA GRATIS PASA NA E ADRES #1

BRENCHIE'S O'STAD HOME CENTER